

monasteria prædiis, non adhærescentem modo nomini suo dedecoris notam eluit, verum insignem ad posteros redempti erroris famam consecutus est. Extat ejus hoc diploma:

Quoniam illas solummodo possessiones in æternum mansuras credo, quas pro dei quis amore feliciter erogat; idcirco ego Adalbero d. g. Præpositus S. Paulini Trev. dominus de Ruttichio, de Serico, de Sarburg et de Berncastel certissima fide credens secundum scripturam, sicut aqua extinguit ignem ita eleemosyna redimi posse peccata, quia etc. et pro peccatis meis maximis, quibus deum ultionum monasteria nimis graviter offendit, cortes ipsorum destruando et deprædando bona ipsorum, aliquid de meis proprietatibus offerre disponens, trado et tradidi monasterio Prumiensi et fratribus villam meam Wiltingen cum omnibus appendicibus suis excepta decima, quam monasterio S. Mariæ ad Martyr. legavi et lego. Item villam meam Emmel cum suis omnibus appendicibus. Ad hanc villam meam Ockfe S. Martino. Item trado, lego et legavi villas meas Nenniche, Paltzele et Dilmere et Helfeldt S. Euchario hoc duntaxat excepto, ut quælibet domus villarum dictarum uno die singulis annis unius viri labore pro castro nostro Sarburg laborare tenebitur et tenetur ad edictum illias, qui ipsum castrum tunc temporis pro tempore, titulo possederit justo. Quibus villas meas proprias adhuc addens Hempteren, Balderingen, Lampaiden et quæ eo referuntur omnia etc. etc. hoc solum excepto, quod quælibet domus villarum prædictarum viduis exclusis dimidium maltrum avenæ ad castrum